



天津社會教育辦事處

文子續義卷七

宋 杜 道 堅 撰

微明

舊註視于無形之形聽于無聲之聲故曰微明
老子曰道可以弱可以強可以柔可以剛可以陰可以
陽可以幽可以明可以包裹天地可以應待無方知之
淺不知之深知之外不知之內知之粗不知之精知之
乃不知不知乃知之孰知之爲不知不知之爲知乎
夫道不可聞聞而非也道不可見見而非也道不可言
言而非也孰知形之不形者乎故天下皆知善之爲善
也斯不善矣知者不言言者不知

文子續義卷七

一

續義微明者其道乎視不以目聽不以耳得之天而
著之心故能包裹天地應待無方不可以智力求惟
知不知爲不爲言不言則得之矣
文子問曰人可以微言乎老子曰何爲不可惟知言之
謂乎夫知言之謂者不以言言也爭魚者濡逐獸者趨
非樂之也故至言去言至爲去爲淺知之人所爭者未
矣夫言有宗事有君夫惟無知是以不吾知

天續義道不可言可言卽物言固非道非言不明文子
問人可以微言乎老子語以惟知言爲可則是言而
不言不言而言者矣爭魚逐獸是不知言者執于言
而著于物則所爭者末矣安得去言去爲之人而與
之言哉

文子問曰爲國亦有法乎老子曰今夫挽車者前呼邪

許

案許一
本作軒

後亦應之此挽車勸力之歌也雖鄭衛胡楚

之音不若此之義也治國有禮不在文辯法令滋彰盜
賊多有

文子續義卷七

二

續義有國家者猶天地也天不言而四時行地不語
而百物生文子問爲國之法老子語以挽車之歌前
呼後應亦猶聖人先天弗違後天奉時之意治國有
禮初不在于文華之辯不知治體而滋彰其法令者
適以爲盜法賊民之資

老子曰道無正而可以爲正譬若山林而可以爲材材
不及山林山林不及雲雨雲雨不及陰陽陰陽不及和
和不及道道者所謂無狀之狀無物之象也無達其意
天地之間可陶冶而變化也

續義道無正形物隨而形觀山林變而至于雲雨陰陽之和則知凡天地間之無形無象者皆可陶冶而變化道其神矣夫

老子曰聖人立教施政必察其終始見其造恩故民知書而德衰知數而仁衰知券契而信衰知機械而實衰瑟不鳴而二十五絃各以其聲應軸不運于己而三十輻各以其力旋絃有緩急然後能成曲車有勞佚然後能致遠使有聲者乃無聲也案也字上一本有者字使有轉者乃無轉也上下異道易治卽亂位高而道大者從事大而

文子續義卷七

三

道小者凶小德善義小善害道小辯害治苛峭傷德大正不險故民易導至治優游故下不賊至忠復素故民無僞匿

續義聖人立教施政弗獲己也必察其始終行其所無事而已知書數券契機械則是有心于事德仁信實衰矣君藉臣以爲治猶瑟之有聲輻之致遠執要用大則無不治之世矣

老子曰相坐之法立即百姓怨滅爵之令張卽功臣叛故察于刀筆之迹者不知治亂之本習于行陳之事者

不知廟戰之權聖人見福于重關之內案見一本慮患

于冥冥之外愚者惑于小利而忘大害故事有利于小

而害于大得于此而忘于彼故仁莫大于愛人智莫大

于知人愛人卽無怨刑知人則無亂政事之歸出以人

續義治不可以多事法不可以數變事多變數則百

姓怨功臣叛上有以召之矣治亂之本廟戰之權聖

人玄鑿于無形之表是必有先見之明也之暴水會

老子曰江河之大溢不過三日飄風暴雨日中不出須

臾止德無所積而不憂者亡其及也夫憂者所以昌也

文子續義卷七

四

喜者所以亡也故善者以弱爲強轉禍爲福道沖而用
之又不滿也之大溢不過三日飄風暴雨日中不出須臾

續義國之苛政橫出猶江河之大溢風雨之暴作曾

不少久亡其及矣惟憂無德而知變者尙可轉禍爲

福以弱爲強其不可自滿也明矣變事之變

老子曰清靜恬和人之性也儀表規矩事之制也知人

之性卽自養不悖知事之制則其舉措不亂發晉號散

無競案競一本總管謂之心見本而知末執一而應萬

謂之術居知所以行知所之事知所乘動知所止謂之

道使人高賢稱譽已者心之力也使人卑下誹謗已者心之過也言出于口不可禁于人行發于近不可禁于遠事者難成易敗名者難立易廢凡人皆輕小害易微事以至于大患夫禍之至也人自生之福之來也人自成之禍與福同門利害同鄰自非至精莫之能分是故智慮者禍福之門戶也動靜者利害之樞機也不可不慎察也

續義天理人欲同乎一心君子小人由乎一己亦同出而異名者耶執一而應萬謂之術見動而知止謂

文子續義卷七

五

之道言出乎口行發乎心夫禍福利害有如影響自非至精孰能分之可不察諸已而慎諸心乎

老子曰人皆知治亂之機而莫知全生之具故聖人論世而爲之事推事而爲之謀

案推一作權

聖人能陰能陽能

柔能剛能弱能強隨時動靜因資而立功睹物性而知

其反

案性一作往

事一而察其變化卽爲之象運則爲之應

是以終身行之無所困故事或可言而不可行者或可行而不可言者或易爲而難成者或難成而易敗者所謂可行而不可言者取舍也可言而不可行者詐僞也

易爲而難成者事也難成而易敗者名也此四者聖人之所留心也明者之所獨見也

續義時有治亂政存乎人知治亂之機而莫知全生

之具者失在人而不在時也聖人隨時動靜察其所

變終身行之而無所困當時而秉政者惡可自惰而

不知全生之具耶

老子曰道者敬小微動不失時百射重戒禍乃不滋計

福不及慮禍過之同日被霜蔽者不傷患者有備與智

者同功夫積愛成福積憎成禍人皆知救患莫知使患

文子續義卷七

無生夫使患無生易施于救患難今人不務使患無生

而務施救于患雖神人不能爲謀患禍之所由來萬萬

無方聖人深居以避患靜默以待時小人不知禍福之

門動而陷于刑雖曲爲之備不足以全身故上士先避

患而後就利先遠辱而後求名故聖人常從事于無形

之外而不留心于已成之內是以禍患無由至非譽不

能塵垢

續義夫道者敬小微動不失時謹初也愚者有備與

智者同功人之禍患不能弭于前而求救于後者雖

金神人不能為謀故上士以避患遠辱為先而名之與
外利則置之後而毋必禍患何從而至非譽何從而塵
之垢之哉

老子曰凡入之道心欲小志欲大智欲圓行欲方能欲

多事欲少所謂心小者慮患未生戒禍慎微不敢縱其

欲也志大者案志字下一本衍微字兼包萬國一齊殊俗是非輻

輳中為之較也智圓者終始無端方流四遠淵泉而不

竭也行方者立直而不撓素白而不汙窮不易操達不

肆志也能多者文武備具動靜中儀舉措廢置曲得其

文子續義卷七

宜也事少者秉要以偶眾執約以治廣處靜以持躁也

故心小者禁于微也志大者無不懷也智圓者無不知

也行方者有不為也能多者無不治也事少者約所持

也故聖人之于善也無小而不行其于過也無微而不

改行不用巫覡而鬼神不敢先可謂至貴矣然而戰戰

慄慄日慎一日是以無為而一之誠也案誠一本愚人

之智固已少矣而所為之事又多故動必窮故以正教

化案正一本其勢易而必成以衰教化其勢難而必敗

舍其易而必成從事于難而必敗愚惑之所致

續義志欲大而心欲小智欲圓而行欲方能欲多而
事欲少斯六者凡人之不可不勉也志大則物無不
容心小則幾微必戒智圓則事無不通行方則直而
不撓能多則爲無不成事少則約而有守夫聖人之
行不用巫覡而鬼神不敢先一之以誠而已
老子曰福之起也絲絲禍之生也紛紛禍福之數微而
不可見聖人見其始終故不可不察明主之賞罰非以
爲己以爲國也適于己而無功于國者不施賞焉逆于
己而便于國者不加罰焉故義載乎宜謂之君子遺義

文子續義卷七

之宜謂之小人通智得而不勞其次勞而不病其下病

而益勞

案益一本
訛作亦

古之人味而不舍也今之人舍而不

味也紂爲象箸而箕子啼

案啼一
本作喻

魯以偶人葬而孔子

歎見其所始卽知其所終

續義禍福之機有開必先可不察歎賞罰人主之大

柄非以爲己以爲國也君子小人有義利之間治而

不勞政之上也勞而不病政之次也病而益勞政斯

下矣夫箕子之泣象箸孔子之歎偶人國有不待終

而知其亡

老子曰仁者人之所慕也義者人之所高也爲人所慕爲人所高或身死國亡者不周于時也故知仁義而不知世權者不達于道也五帝貴德三王用義五伯任力今取帝王之道施五伯之世非其道也故善否同非譽在俗趨行等逆順在時知天之所爲知人之所行卽有以經于世矣知天而不知人卽無以與俗交知人而不知天卽無以與道游直志適情卽堅強賊之以身役物卽陰陽食之

不厭其不厭矣 纘義道之不行也我知之矣時異故也五帝貴德三

文子纘義卷七

九

王用義五伯任力當五伯之世而施帝王之道者不知于時也不知時則是不知天不知人矣何以經于世哉

得道之人外化而內不化外化所以知人也內不化所以全身也故內有一定之操而外能屈伸與物推移萬舉而不陷所貴乎道者貴其龍變也守一節推一行雖以成滿猶不易拘于小好而塞于大道道者寂寞以虛無非有爲于物也不以有爲于己也是故舉事而順道者非道者之所爲道之所施也人之所慕也人之所高也

續義龍虎變化大人之道也得道之人與物推移而
不陷是故老子有猶龍之稱夫體道虛無外不有于
物內不有于已道無不施天下化矣

天地之所覆載日月之所照明陰陽之所煦雨露之所
潤道德之所扶皆同一和是故能戴大圓者履大方鏡
大清者視大明立太平者處大堂能游于冥冥者與日
月同光無形而生于有形是故真人託期于靈臺而歸
居于物之初視于冥冥聽于無聲冥冥之中獨有曉焉
寂寞之中獨有照焉其用之乃不用不用而後能用之

文子續義卷七

十

也其知之乃不知不知而後能知之也

續義和也者天下之達道也天之覆地之載同乎一
和而已王者戴圓履方處大堂而立太平者和其可
失乎真人歸居于物之初必有獨見于冥冥之中是
故用有不用而後能用知有不知而後能知夫是之

謂大和

道者物之所道也德者生之所扶也仁者積恩之證也
義者比于心而合于眾適者也道滅而德興德衰而仁
義生故上世道而不德中世守德而不懷下世繩繩惟

恐失仁義故君子非義無以生失義卽失其所以生小人非利無以活失利則失其所以活故君子懼失義小人懼失利觀其所懼禍福異矣

續義道德仁義裂而皇帝玉伯分世變使之然也道以導之德以生之仁以恩之義以宜之四代之治固若不同而其君臣有分則一焉夫道而不德者皇德對而不懷者帝恐失仁義者王義失其宜智詐興矣

老子曰事或欲利之適足以害之或欲害之乃足以利之夫病溼而強餐之熱病渴而強飲之寒此衆人之所養也而良醫所以爲病也快于目說于心愚者之所利有道者之所避聖人者先迂而後合衆人先合而後迂故禍福之門利害之反不可不察也

續義事有欲利而害欲害而利非人力之所可必者物或使之也是故先迂而後合者聖人之道先合而後迂者衆人之道禍福倚伏利害相反其不可不察也如此

老子曰有功離仁義者卽見疑有罪有仁義者必見信故仁義者事之常順也天下之尊爵也雖謀得計當慮

患解圖國必存其事有離仁義者其功必不遂也言雖
無中于策其計無益于國而心周于君合于仁義者身
必存故曰百言百計常不當者不若舍趨而審仁義也
續義仁義者道之孫德之子歟四者若不相及而未
嘗相離故仁義天下之尊爵也貴以身爲天下者可
不捨趨而審諸仁義乎
老子曰教本乎君子小人被其澤利本乎小人君子享
其功使君子小人各得其宜卽通功易事而道達矣夫
多欲卽傷義多憂卽害智故治國樂所以存慮國樂所
以亡水 flowing 下而廣大君下臣而聰明君不與臣爭而治
道通故君根本也臣枝葉也根本不美而枝葉茂者未
之有也

文子續義卷七

三

續義君子小人均是人也爲君子而教不被于小人
何德以資小人之養哉治國樂其存慮國樂其亡君
善下而不爭則羣臣獻其忠柢固根深而國安矣
老子曰慈父之愛子者非求其報不可內解于心聖主
之養民非爲己用也性不能己也及恃其力賴其功勳
而必窮有以爲卽恩不接矣故用眾人之所愛卽得眾

人之力舉衆人之所喜卽得衆人之心故見其所始卽知其所終

續義父子之心天性也父之愛子君之養民一有望報之心恩其失矣是故因其利而利之則得衆人之力推其善而善之則得衆人之心子其有不孝臣其有不忠乎

老子曰人以義愛黨以羣強是故德之所施者博卽威之所行者遠義之所加者薄卽武之所制者小猶爲人續義君以天下爲心人以義愛則忠孝乃興黨以羣

文子續義卷七

七

強則奸雄遂起安危所繫可不察而辨之

老子曰以不義而得之又布施患及其身不能爲人又無以自爲可謂愚人無以異于梟愛其子也故持而盈之不如其已揣而銳之不可長保德之中有道德之中有德其化不可極陽中有陰陰中有陽萬事盡然不可勝明福至祥存禍至祥先見祥而不爲善卽福不來見不祥而行善卽禍不至利與害同門禍與福同隣非神聖莫之能分故曰禍兮福所倚福兮禍所伏孰知其

極

續義禍福倚伏如影隨形貨倍而入必倍而出善積而不善用如畜梟爲子寡不自害利害之機反兮覆兮非神聖莫之能知
人之將疾也必先甘魚肉之味國之將亡也必先惡忠臣之語故疾之將死者不可爲良醫國之將亡者不可爲忠謀修之身然後可以治民居家理然後可移于官長故曰修之身其德乃真修之家其德乃餘修之國其德乃豐民之所以生活衣與食也事周于衣食則有功不周于衣食則無功事無功德不長故隨時而不成無

文子續義卷七

十四

更其刑順時而不成無更其理時將復起是謂道紀

續義國非民不立民非食不生不易之理也是故民足于衣食則可活不足于衣食則困功不立則德不長矣

帝王富其民霸王富其地危國富其吏治國若不足亡國困倉虛故曰上無事而民自富上無爲而民自化起師十萬日費千金師旅之後必有凶年故兵者不祥之器也非君子之寶也和太怨必有餘怨柰何其爲不善也古者親近不以言說來遠不以言使近者悅遠者來

與民同欲卽和與民同守卽固與民同念者知得民力者富得民譽者顯行有召寇言有致禍無先人言後人而已附耳之語流聞千里言者禍也舌者機也出言不當駟馬不追

人續義無古今治亂而不易者土宇也古之今之或治人或亂而不與者君民也帝王富其民霸王富其地危國富其吏治國若不足亡國困倉虛是故唐虞之代王天下富戰國之世無富民

文子續義卷七

五

味色有五章人有五位故天地之間有三十五人也上五有神人真人道人至人聖人次五有德人賢人智人善人辯人中五有公人忠人義人禮人次五有士人工人虞人農人商人下五有衆人奴人愚人肉人小人上五之與下五猶人之與牛馬也聖人者以目視以耳聽以口言以足行真人者不視而明不聽而聰不行而從不言而公故聖人所以動天下者真人未嘗過焉賢人所以矯世俗者聖人未嘗觀焉所謂道者無前無後無左無右萬物玄同無是非

續義中黃子者古之真人歟其言曰人有五位位各
五等合之凡二十有五焉最上者神人最下者小人
所謂上五之與下五猶人之與牛馬謂小人違道悖
德若牛馬而襟裾耳聖人不及真人賢人不及聖人
惟其造道有淺深故品亦隨之知而然亦非不然

物皆然不得不然然而自然非有能然無所因
寄故曰自然也

老子曰清虛者天之道也無為者地之常也

舊註天虛中者謂道中有明氣能見之與道同也

文子續義卷七

夫

辨其意欲自對焉此品衣謝也聖人言以目
懸深中謀而懸懸耳聖人不双真人賢人不双聖人
微階土而志與正正辭人必與中謀階小人巖巖
正合合文且二十有五無量也香輒人疑有香小人
文子續義卷七 晉古本總校王詒壽分校 徐鼎勳
金肇麒校

文子續義卷八

晉書 宋 矣 杜 不 道 鴻 堅 無 撰 容 姑 姑

入 晰 自然 蓋 于 時 濟 率 其 道 相 符

帶 同 舊 註 至 道 鴻 洞 為 萬 物 母 橐 籥 翕 施 無 有 津 崖

是 曰 自然 蓋 道 之 絕 傳 不 知 而 然 亦 非 不 然 萬

舊 註 物 皆 然 不 得 不 然 然 而 自然 非 有 能 然 無 所 因

禁 姦 罰 寄 故 曰 自然 也 亦 蓋 實 在 于 其 理 然 亦 見 可

老 子 曰 清 虛 者 天 之 明 也 無 為 者 治 之 常 也 效 棄 功 辯

舊 註 夫 虛 中 有 靈 暗 中 有 明 孰 能 見 之 與 道 同 也 無

文子續義卷八

為 自 治 萬 物 皆 成 也 亦 蓋 實 在 于 其 理 然 亦 見 可

去 恩 惠 案 惠 一 本 作 慧 舍 聖 智 外 賢 能 廢 仁 義 滅 事 故 棄 佞 辯

禁 姦 偽 即 賢 不 肖 者 齊 于 道 矣

舊 註 去 此 七 者 即 賢 無 所 尚 愚 無 所 媿 鴻 洞 大 道 歸

復 自 然 也 亦 蓋 實 在 于 其 理 然 亦 見 可

靜 即 同 虛 即 通 至 德 無 為 萬 物 皆 容 虛 靜 之 道 天 長 地

久 神 微 周 盈 于 物 無 宰

舊 註 心 既 虛 矣 無 所 不 通 德 既 充 矣 無 所 不 容 故 能

又 神 用 而 無 主 周 行 而 不 殆 焉

十二月運行周而復始舊註謂十二月轉輪無窮終而復始天之道也

金木水火土其勢相害其道相持

舊註五運相推一王一衰寒暑遞遷進退有時生殺

有道不失其宜

故至寒傷物無寒不可至暑傷物無暑不可故可與不

可皆可是以大道無所不可可在于其理案一本見可無于字

不趨見不可不去可與不可相為左右相為表裏

正註寒暑代謝此天地之道也禮教刑罰聖人之法

文子續義卷八

也然寒暑雖酷不可無也時順即何傷刑罰雖慘不

可廢也理當即非害見可即行不可即止

凡事之要必從一始時為之紀自古及今未嘗變易謂

之天理

舊註一者道之子君之柄古今雖異動用未殊如軸

運轂以內制外輪轉無窮與天始終

上執大明下用其光道生萬物理于陰陽化為四時分

為五行各得其所與時往來法度有常下及無能上道

不傾羣臣一意天地之道無為而備無求而得是以知

其無爲而有益也

舊註天垂象以明照四方君立法以臨制天下蟄蟲昭甦黎庶蒙惠陰陽不差萬物有常自非無爲不能有益于國昔堯治天下而修身也

老子曰樸至大者無形狀道至大者無度量故天圓不中規地方不中矩往古來今謂之宙四方上下謂之宇道在其中而莫知其所故其見不遠者不可與言大其知不博者不可與論至

案此二句一本無兩其字

夫稟道與物通者無以相非

文子續義卷八

三

舊註道德至大無形狀天地至廣無度量近在毫髮之間而莫見遠則宇宙之內而難測自非博達通物者莫能明至道之原冥是非之境也

故三皇五帝法籍殊方其得民心一也

舊註制法雖殊敬民一也若夫規矩句繩巧之具也而非所以爲巧也故無絃雖師文不能成其曲徒絃卽不能獨悲故絃悲之具也非所以爲悲也

舊註夫萬物雖曰自然皆有所假不能獨連其猶句

出繩者巧之制也而非巧也妙在于人無繩卽不直絃
對器者悲之具也而非悲也無絃則不悲也
至于神和游于心手之間放意寫神論變而形于絃者
父不能以教子子亦不能受之于父此不傳之道也
舊註師文彈琴注指鈞弦寫神放意游心手之間和
音陰陽之候遂使律變四時氣感萬物至于父子雖親
其不能傳者妙之極矣此亦說道不可傳受也

故肅者形之君也而寂寞者音之主也
舊註肅靜也故靜中生形以靜爲君寂中有音以寞

文子續義卷八

爲主

老子曰天地之道以德爲主道爲之命物以自正至微
甚內案甚一
本作其不以事貴故不待功而立不以位爲尊不
待名而顯不須禮而莊不用兵而強

舊註道生爲命德畜爲主人能調護神氣正性命內
保精微外棄煩累何須名位而自尊不待兵甲而人
至不非也

故道立而不教明照而不察道立而不教者不尊人能
也明照而不察者不害其事也

舊註道存則教遺明極則無察然後能任所冒事無有害

夫教道者逆于德害于物故陰陽四時金木水火土同道而異理萬物同情而異形知者不相教能者不相受故聖人立法以道民之心各使自然故生者無德也死者無怨也

案此二句一本無兩也字

舊註夫逆德者謂德衰而教興害物者謂先損而後

益且五行異性萬物殊形由教有本末人有賢愚聖人垂法制教開導愚蒙使智者相授能者不隱各盡

文子續義卷八

五

其分歸乎自然生不矜其德死不怨乎天不亂於天地不仁以萬物為芻狗聖人不仁以百姓為芻狗舊註天地生萬物聖人養百姓豈有心于物有私于人哉一以觀之有同芻狗

夫慈愛仁義者近狹之道也狹者入大而迷近者行遠而惑聖人之道入大不迷行遠不惑常虛自守可以為極是謂天德

舊註道德玄微仁義近狹中庸登小徑以致迷上聖陟通衢而無滯自非靈府恆明安能與天為極專並

老子曰聖人天覆地載日月照臨陰陽陰此下四時

化懷萬物而不同無故無新無疏無親本有和字

舊註此聖人之德也覆載若天地照臨如日月轉輪

如四時殊俗異類草木昆蟲莫不安其居遂其性豈

有新故親疏于其間者哉論其功量其物由

故能法天者天不一時地不一財人不計事故緒業多

端趨行多方論其

舊註言天以一時則不能成歲地以一財則用之有

過極入有不能未足為貴也論四者

文子續義卷八 六

故用兵者或輕或重或貪或廉四者相反不可一也

舊註各趨所利故以不一論其

輕者欲發重者欲止貪者欲取廉者不利非其有也

舊註夫兵眾者心欲一今重者欲止輕者欲發各趨

其便是不一也不一則遇敵而敗但量其才力均輕

重而使之則無往不克論其

故勇者可令進鬪不可令持堅重者可令固守不可令

陵敵貪者可令攻取不可令分財廉者可令守分不可

令進取信者可令持約不可令應變五者聖人兼用而

材使之歸本論賦效曰一齊而貴之物

舊註惟聖人善用其能不失其所能故天下無敵也

夫天地不懷一物陰陽不產一類故海不讓水潦以成

其大山林不讓枉橈以成其崇巒案一本無巒字聖人不辭負

薪之言以廣其名夫守一隅而遺萬方取一物而棄其

餘卽所得者寡而所治者淺矣

舊註夫道不廣不能懷萬物聖人德不厚無以納微

言言故一能不敢恃一隅不可守守之者細恃之者淺

李也

交子續義卷八

七

老子曰天之所覆地之所載日月之所照形殊性異各

有安樂樂所以爲樂者乃所以爲悲也安所以爲安者

乃所以爲危也

舊註以己樂樂之則悲因其樂樂之卽樂以己安安

之則危因其生而安之則安也

故聖人之牧民也使各便其性安其居處其宜爲其所

能周其所適施其所宜如此則萬物一齊無由相過

舊註聖人牧民使異性殊形各適其宜雖則萬類有

若一體不能相越故曰一齊

天下之物無貴無賤因其所貴而貴之物無不貴因其所賤而賤之物無不賤

舊註貴賤無定分窮通無常準在遇與不遇用與不用也

故不尚賢者言不放魚于木不沈鳥于淵

舊註言因飛而放于林因游而投于水則飛沈得所猶賢愚並用也

昔堯之治天下也舜爲司徒契爲司馬禹爲司空

舊註三公之官論道經邦變理陰陽爲天子股肱喉

文子續義卷八

八

舌也

后稷爲田疇

舊註教民播種

奚仲爲工師

舊註造器物以備民用聖人任賢若此功格宇宙德流四海惟天爲大惟堯則之也

其導民也水處者漁林處者采谷處者牧陸處者田

案

一本作陵地宜其事事宜其械械宜其材臯澤織網陵阪耕

田如是則民得以所有易所無所工易所拙以所長易

所短案一本脫此六字是以離叛者寡聽從者眾若風之過簫

忽然而感之各以清濁應物莫不就其所利避其所害

是以鄰國相望雞狗之音相聞而足迹不接于諸侯之

境車軌不結于千里之外皆安其居也

舊註聖人之導民也因其勢而居之因其宜而安之

則有無相貨巧拙相資猶風之過簫雨之潤物則聲

而從所感物隨所利故得鄰國相望兵甲不用民至老

死皆安其居也

故亂國若盛治國若虛亡國若不足存國若有餘虛者

文字續義卷八

非無人也各守其職也盛者非多人也皆微于末也有

餘者非多財也欲節而事寡也不足者非無貨也民鮮

而費多也

舊註明此四者則見治亂之本察存亡之勢也

故先王之法非所作也所因也其禁誅非所為也所守

也上德之道也

舊註禁誅者先王制法非所以為殺戮以為隄防也

然愚人不守其令故多陷之而至于死者蓋不獲已

也

老子曰以道治天下非易人性也因其所有而條暢之
故因卽大作卽小古之瀆水者因水之流也生稼者因
地之宜也征伐者因民之欲也能因則無敵于天下矣
物必有自然而後人事有治

舊註觀物有自然之性然後順物之宜因民所欲則
事無不濟動無不利

故先王之制法因人之性而爲之節文無其性不可使
順教有其性無其資不可使遵道

舊註猶木不可使出水金不可使生火也

文子續義卷八

十

人之性有仁義之資其非聖人爲之法度不可使向方
因其所惡以禁姦故刑罰不用威行如神因其性卽天
下聽從拂其性卽法度張而不用

舊註道德仁義雖本性皆有而非聖王爲法度行其
權賞道之以德齊之以禮威之以刑則無由復自然
之性而能向方矣因其性則其應如神拂其性卽雖
令不從也

道德者功名之本也民之所懷也民懷之則功名立

舊註非有道德何以樹功名也

古之善爲君者法江海江海無爲以成其大窾下以成其廣故能長久爲天下谿谷其德乃足無爲故能取百川不求故能得不行故能至是以取天下而無事不自貴故富不自見故明不自矜故長處不有之地故爲天下王不爭故莫能與之爭終不爲大故能成其大江海近于道故能長久與天地相保王公修道功成不有不有卽強固強固而不以暴人道深卽德深德深卽功名遂成此謂之德深矣遠矣其與物反矣

舊註世尚尊高吾則自卑世貴矜伐吾則不爭長處

文子續義卷八

士

不有故與物反矣

順自然世貴矜伐吾則不爭長處

天下有始莫知其理惟聖人能知其所以非雄非雌非牝非牡生而不死天地以成陰陽以形萬物以生故陰與陽有圓有方有短有長有存有亡道爲之命幽沈而無事于心甚微于道甚富

案富一作作富

一死生同理萬物變化

合于一道簡生忘死何往不壽去事與言順無爲也

案順

一本守道周密于物不幸至微無形天地之始萬物同

于道而殊于形至微無物故能周恤至大無外故爲萬

物蓋至細無內故爲萬物貴道以存生德以安形至道

之度去好去惡無有知故易意和心無與道迕

案與一本作以

舊註天地有始者謂道也舉世莫能識者言非雄雌可辨形色所推然雖尋之無所語之不得而又長存夫天地有高下之位日月有晝夜之宜陰陽有剛柔之理萬物有長短之資至于道也非幽沈非存非亡非巨非細非圓非方輪轉不極變化無方然而體之者能存生安形去事去言浩然無爲悠然委順則能復乎大樸宜乎仁壽之域

夫天地專而爲一分而爲二反而合之上下不失專而

文子續義卷八

七

爲一分而爲五反而合之必中規矩

舊註一者氣布二者形流五者五行也上下者天地

人處其間能合德天地專精爲一必中法度而復乎

初也

夫道至親不可疏至近不可遠求之遠者往而復反

舊註遠求諸物莫如求之身也

老子曰帝者有名莫知其情帝者貴其德王者尙其義

霸者通于理

舊註德者煦育萬物義者拯溺扶危理者應于機數

聖人之道于物無有道狹然後任智德薄然後任刑明
淺然後任察任智者中心亂任刑者上下怨任察者下
求善以事其上卽弊

案下原作不合據明刊本
改與舊註善起于矯相合

舊註智出亂真刑生法詐善起于矯三者旣變聖人

禁之莫之能勝失道之弊在于茲也
是以聖人因天地以變化其德乃天覆而地載道之以
時其養乃厚厚養卽治雖有神聖夫何以易之去心知
省刑罰反清靜物將自正道之爲君如尺儼然玄默而
天下受其福一人被之不褻萬人被之不褻是故重爲

文子續義卷八

三

惠重爲暴卽道迂矣爲惠者布施也

舊註聖人觀時之弊任其智詐故鎮以道德反乎清

靜使物自正守于玄默使其復樸故惠不妄施則刑

不妄加卽暴亂不興而順乎道

無功而厚賞無勞而高爵卽守職者懈于官而游居者

亟于進矣夫暴者妄誅無罪而死亡行道者而被刑卽

修身者不勸善而爲邪行者輕犯上矣故爲惠者卽生

姦爲暴卽生亂姦亂之俗亡國之風也

舊註刑不可加有道爵不可及無功否則守職者有

懈怠之色行道者有陵替之心此姦亂之俗亡國之風也

故國有誅者而主無怒也朝有賞者而君無與也誅者不怨君罪之當也賞者不德上功之致也民知誅賞之來案知一本作之一皆生于身故務功修業不受賜于人是以前廷蕪而無迹田墜辟而無穢

舊註賞足以勸善刑足以懲姦賞者無驕與之色刑者無哀惻之情則近者被其澤遠人服其德皆修其業而竭其力故朝廷無爭訟田野滋稼穡

文子續義卷八

丙

故太上下知而有之案下一本作不據舊註下古云云則下字爲合

舊註言下古知太上有道後王取法而行

王道者處無爲之事行不言之教清靜而不動一度而不搖因循任下責成而不勞謀無失策舉無過事言爲文章行爲儀表案一本作言無文章行無儀表進退應時動靜循理美醜不好憎賞罰不喜怒名各自命類各自以事由自然莫出于己若欲挾之乃是離之若欲飾之乃是賊之

舊註王者非大不能容萬物非靜不能和百姓絕于好憎敦乎樸素挾而不親文無害質比物類眾成歸

自然也

天氣爲魂地氣爲魄反之玄妙各處其宅守之勿失上

通太乙太乙之精通合于天天道默默無容無則大不

可極深不可測常與人化智不能得輪轉無端鑿輪原

據明刊本改與舊化遂如神虛無因循常後而不先作運今

舊註人之魂者陽也生也受于天魄者陰也殺也受

于地是各守其則魂者陽之神魄者陰之精魂魄是

天地之至精故曰玄妙天得之常明人得之常生故

曰守之勿失上通太乙太乙太上道君也入之所稟

文子續義卷八

五

也言人能守其精神使不離其身乃上合夫太乙專

精積念故能通也守之法惟精惟默無容無則其大

無涯其微莫測故曰常與人化智不能得其轉如輪

其化如神虛無之間常後不先冥冥能曉故曰至冥

也

其聽治也虛心弱志清明不闇是故羣臣輻輳竝進無

愚智賢不肖莫不盡其能君得所以制臣臣得所以事

君卽治國之所以明矣

舊註天有清明之鑒必見純粹之精以治國則羣臣

爭戴之不輕以身則萬物周衛而不離也

案此句以下疑脫

字一

老子曰知而好問者聖勇而好問者勝乘眾人之智者即無不任也用眾人之力者即無不勝也用眾人之力者烏獲不足恃也乘眾人之勢者天下不足用也

舊註善用眾者天下無強用眾力則山丘雖重其勢

可移用眾智則鬼神雖隱其理可明

無權不可為之勢而不循道理之數雖神聖人不能以

成功

文子續義卷八

末

舊註夫機權已張而匹夫雖微可發萬鈞之弩事理

既乖而聖人雖神不能屈童子之言

故聖人舉事未嘗不因其資而用之也有一功者處一

位有一能者服一事力勝其任即舉者不重也能稱其

事案稱一本作勝即為者不難也聖人兼而用之故人無棄人

案一本作人無棄物物無棄材

舊註因其材而使之莫不各盡其材因其能而用之

莫不皆竭其能

老子曰所謂無為者非謂其引之不來推之不去藐爾

不應案一本作迫而不應感而不動堅滯而不流捲握而不散

舊註惟能變通循時應物無滯謂之無爲

謂其私志不入公道嗜欲不挂正循循理而舉事因資

而立功推自然之勢曲故不得容事成而身不伐功立

而名不有若夫水用舟沙用隸乃烏泥用輻敕倫山用

樛音贏夏瀆冬陂因高爲山因下爲池非吾所爲也

舊註因其所利各得其便故云非吾所爲也

聖人不恥身之賤惡道之不行也不憂命之短憂百姓

之窮也故常虛而無爲抱素見樸不與物雜

文子續義卷八

七

舊註常與道同不爲物雜

老子曰古之立帝王者非以奉養其欲也聖人踐位者

非以逸樂其身也爲天下之民強陵弱眾暴寡詐者欺

愚勇者侵怯又爲其懷智詐不以相教積財不以相分

故立天子以齊一之爲一人之明不能徧照海內故立

三公九卿以輔翼之爲絕國殊俗不得被澤故立諸侯

以教誨之是以天地四時無不應也官無隱事國無遺

利所以衣寒食飢養老弱息勞倦無不以也

舊註聖人之在上者非欲尊其位樂其身將以息民

救弊故天子執一以齊之三公論道以匡之九卿奉法以翼之諸侯宣教以導之故得遐邇同風君臣一意官無僞祿市無邪念故詩云有覺德行四國順之神農形粹堯瘦臞舜黧黑禹胼胝伊尹負鼎而干湯呂望鼓刀而入周百里奚傳賣管仲束縛孔子無黔突墨子無煖席非以貪位慕祿將欲事起天下之利除萬物之害也自天子至于庶人四體不勤思慮不困于事求贍者未之有聞也

舊註自神農以下形體臞瘠手足胼胝者非求居于

文子續義卷八

六

民上自取尊志在救物故也未有安坐而望祿不耕而穫黍者

老子曰所謂天子者有天道以立天下也立天下之道執一以爲保反本無爲虛靜無有忽悅無際遠無所止視之無形聽之無聲是謂大道之經

舊註與前釋同

老子曰夫道者體圓而法方背陰而抱陽左柔而右剛履幽而戴明變化無常得一之原以應無方是謂神明

舊註夫人頭圓天也足方地也背陰面陽左手執柔

右手執剛足踐九幽上戴三光周行無窮精耀四方
一而不變輪轉無常謂之神明見之者昌也
天圓而無端故不得觀其形地方而無涯故莫能窺其
門天化遂無形狀地生長無計量
舊註化乎無窮至明者莫見其形生乎無盡善計者
不能知其數也矣

夫物有勝惟道無勝所以無勝者以其無常形勢也輪
轉無窮象日月之運行若春秋之代謝日月晝夜終而
復始明而復晦制形而無形故功可成物物而不物故

文子續義卷八

五

勝而不屈

舊註形出無形故形形而不絕物出無物故物物而
無窮

廟戰者帝神化者王廟戰者法天道神化者明四時修
政于境內而遠方懷德制勝于未戰而諸侯賓服也

舊註廟戰者以道制而爲帝神化者以兵勝而爲王
不得已而用之

古之得道者靜而法天地動而順日月喜怒法四時號
令比雷霆音氣不戾八風詘申不違五度

文 舊註得道之人喜怒不妄發號令不妄施法乎天地
順乎日月故八風不戾五星不差也

因民之欲乘民之力為之去殘除害夫同利者相死同

情者相成同行者相助循道而動案道一作道天下為鬪故

善用兵者用其自為用不能用兵者用其為已用用其

自為用天下莫不可用用其為已用無一人之可用也

舊註除其所害則天下雖眾自為我用非其所欲則

一人雖寡不為已有

文子續義卷八

辛

人雖寡不為已有

天下莫不可用用其為已用無一人之可用也

去殘除害夫同利者相死同情者相成同行者相助循道而動

善用兵者用其自為用不能用兵者用其為已用用其自為用

天下莫不可用用其為已用無一人之可用也

去殘除害夫同利者相死同情者相成同行者相助循道而動

善用兵者用其自為用不能用兵者用其為已用用其自為用

天下莫不可用用其為已用無一人之可用也

文子續義卷八 人喜怒不總校玉詒壽分校 徐鼎勳 金肇麒 校

文子續義卷九

宋 杜 道 堅 撰

下德

舊註太上之道沖融渾漠故無爲而無不爲若夫致身能養遇物能治執道無失守善勿遷斯德之下者也然此篇特舉上德之體類明下德

輒謂意之義也

老子曰治身太上養神

舊註神之恬愉則身之大治也

文子續義卷九

其次養形

舊註形無勞役則肌膚充實

神清意平百節皆寧養生之本也

舊註神無所撓形無所勞故爲治養之本也

肥肌膚充腹腸供嗜欲養生之末也

舊註養形致此而神意不復清平故言末也

治國

舊註言治國之道

太上養化

舊註養道德之化

其次正法

舊註正刑賞之法

民交讓爭處卑財利爭受少事力爭就勞日化上而遷善不知其所以然治之本也

舊註聖人正身以待之莫不日用而遷善則不知所

以然而然也

利賞而勸善畏刑而不敢為非法令正于上百姓服于下治之末也

文子續義卷九

二

舊註持此為治而君臣相承兢戒以存故以為末也
上世養本而下世事末

續義下德執德也太上養神治身之本也其次養形

治身之末也太上養化治國之本也其次正法治國之末也降此而下則又下德之下者焉

老子曰欲治之主不世出可與治之臣不萬一以不世出求不萬一此至治所以千歲不一也

舊註千年降聖五百年生賢合德同時曠世而可遇

也或曰主聖則臣賢而臣亦可致君子堯舜者若乃

天氣下降而地氣不應地有膏壤而天加水旱且天地之際未能同和豈君臣之間常可同德則知至治之世難逢也哉
蓋霸王之功不世立也

舊註霸王之道亦不可傳代而有
順其善意防其衷心與民同出一道卽民可善風俗可
得之治本而盡善盡美也
舊註養善閑邪不縣法度同道而往日化不知此謂

文子續義卷九

三

所貴聖人者非貴其隨罪而作刑貴其知亂之所生也
舊註所重理之于未形
若開其銳端而縱之放僻淫泆而棄之以法隨之以刑
雖殘賊天下不能禁其姦也

舊註防之不在其本而制之于必犯若抱薪救火以資其盛也

續義明良相合千載一逢夫明君不世出良臣不萬一以不世之君得萬一之臣唐虞而下若成湯之子伊尹文王之子呂望世不多見如齊桓之管仲亦不

世出是以治日少而亂日多抑由君子少而小人多
歟意人言身計豈無慮哉夫長其陣而心驕關則
老子曰身處于江海之上心在于魏闕之下者卽重生
重生卽輕利矣言而不志皆蓋天對之取也

舊註雖未忘世榮而能致身于閒曠可謂重生輕利
之士也言其心雖未忘世榮而能致身于閒曠可謂重生輕利之士也
猶不能自勝卽從之神無所害也言其心雖未忘世榮而能致身于閒曠可謂重生輕利之士也

舊註內戰不勝者當從心就志猶免害于生也
不能自勝而強不從是謂重傷重傷之人無壽類矣言其心雖未忘世榮而能致身于閒曠可謂重生輕利之士也

文子續義卷九

四

舊註未能忘懷而抑以歸靜則重傷其生重傷其生
故不復與壽者爲比也言其心雖未忘世榮而能致身于閒曠可謂重生輕利之士也

故曰知和曰常知常曰明益生曰祥心使氣曰強
舊註夫能放情就志猶近知和自守其常是明其分
益生使氣亦此之宜而況得天地之至和用資恆德
明生死之六貫壽而不忘者焉天性之通明也

是謂玄同用其光復歸其明言其心雖未忘世榮而能致身于閒曠可謂重生輕利之士也
續義人有仕隱道無屈伸夫身江湖而心魏闕畎畝
不忘也是故有道之士隱以此道時止而止時行則

行是之謂玄同

老子曰天下莫易于為善莫難于為不善所謂為善者

靜而無為適情辭餘無所誘惑循性保真無變于己故

曰為善易也

舊註不出性分之內豈非易哉

所謂為不善難者篡弑矯詐躁而多欲非人之性也故

曰為不善難也

舊註出乎常性之外豈非難哉所謂順于道者吉而

今易也逆于道者凶而難也

文子繙義卷九

今之以為大患者由無常厭度量生也

舊註夫妄動則為患今動之無厭故患大矣

故利害之地禍福之際不可不察也聖人無欲也無避

也

舊註既無所欲亦何所避

事或欲之適足以失之事或避之適足以就之

舊註欲養生而反失欲避禍而反遇

志則有所欲案一本無則字即忘其所為矣不善則

舊註猶攫金之時不見于人而忘其避就也

是故聖人審動靜之變適受與之度理好憎之情和喜怒之節夫動靜得卽患不侵也

舊註謂人之常患不能禍己也

受與適卽罪不累也

舊註畢當其才則不復爲罪所累非其言不歸

好憎理卽憂不近也

舊註取舍苟正乃無近憂

喜怒節卽怨不犯也

舊註賞罰有常則不至于怨也

文子續義卷九

六

續義善惡異迹同出于心天下莫易于爲善莫難于爲不善禍福之階事不可必欲得而反失之欲避而反就之是以聖人審動靜之變和喜怒之節事無不善何憂怨之有

體道之人不苟得不讓禍其有不棄非其有不制

舊註一于所遇故來者不讓未至者不待

恆滿而不溢常虛而易贍

舊註自足故然

故自當以道循度量卽食充虛衣禦寒足以溫飽七尺

之形無道術度量而以自要尊貴卽萬乘之勢不足以爲快天下之富不足以爲樂

舊註虛道則皆可從欲則無極也

故聖人心平志易精神內守物不能惑

舊註無欲自平不貪故易

夫續義修身有道處世有術夫體道之人守其天常安

論其命義食止充虛衣止禦寒不苟所得不棄所有禍

不倖免福不妄就達不自驕窮不易操樂乎天真與

天道同久人善其自勉者無頭無尾必以人代善也

文子續義卷九

老子曰勝人者有力自勝者強能強者必用人力者也

舊註謂德服之能受其制

能用人力者必得人心者也能得人心者必自得者也

未有得已而失人者也未有失已而得人者也

舊註已見符言篇

故爲治之本務在安民安民之本在乎足用足用之本

在于不奪時

舊註時謂春耕夏耘秋穫之三時也

不奪時之本在于省事省事之本在乎節用節用之本

在于去驕也九十四表精于上于民不忍違之也

〔舊註〕貴適中也謂其數應為味尊壽言其數天亦必

去驕之本在于虛無為以異宜自問然

〔舊註〕本在于虛已無為以御人下豈惟節用愛民之

義

故知生之情者不務生之所無以為知命之情者不憂命之所無奈何謂其數應為味尊壽言其數天亦必

〔舊註〕夫身之自極故知者不憂然後盡于全生委命

目之道也謂其數應為味尊壽言其數天亦必

文子續義卷九

八

曰悅五色口肥滋味耳淫五聲七竅交爭以害一性日引衰欲竭其天和身且不能治奈治天下何全出委命

〔舊註〕未有自困而兼物者況治天下哉

〔舊註〕將勝乎人先勝乎己未有己不勝而能勝人者

也勝人者有力欲勝理也自勝者強理勝欲也理勝

則得人心人將自用其力欲勝則用人之力人將

先離其心天理人欲之異宜有間然

所謂得天運者非謂其履勢位稱尊號言其運天下心

得天下力也

在于省事省事之本在于節用節用之本

舊註所以光于四表格乎生下民不忍違之也

有南面之名無一人之譽此失天下也故桀紂不為王

舊註謂失天下之心力也

湯武不為放

舊註非湯武能放桀紂蓋因天下之心用天下之力

耳

天子得道守在四夷天子失道守在諸侯

舊註守保守也得道則守在異俗失道則守在臣下

請也

文子續義卷九

九

諸侯得道守在四境諸侯失道守在左右

舊註自非義扶王室惠親黎庶即肝膽楚越也

故曰無恃其不吾奪也恃吾不可奪也

舊註無據于德難恃不奪有依于道自不可奪

行可奪之道而非篡弑之行無益于持天下矣

舊註將在可奪之地雖篡弑沒世未行然于神器未

足持保也

續義撫我則后虐我則讎聖人運天不心得天下力

而天下治若夫桀紂之為君有南面之名無一人之

故古之聖王退爭怨爭怨不生

舊註謂不尙賢也

卽心治而氣順故曰不尙賢使民不爭

續義爭之不足讓之有餘人已兩全之道也夫怒逆德兵凶器爭者人之所亂陰謀逆德好用凶器治人亂逆之至也文子以其言而授之范蠡越欲伐吳蠡引以爲諫句踐不聽敗于夫椒則知欲禍人者乃所以自禍也賢者肯如是乎

老子曰治物者不以物以和

文子續義卷九

七

舊註用和接之物將可治

治和者不以和以人

舊註人得其宜當自和矣

治人者不以人以君

舊註元首正則肢體自立

治君者不以君以欲

舊註無欲則身正身正則天下皆正也

治欲者不以欲以性

舊註得性之原則所縣解若以欲除欲是同乎以事

止事類四又皆與之俱出皆然君爲甚夫治物不以

治性者不以性以德避性而後明物之性明物之性則

夫舊註無所不得性乃全矣夫則夫良以節制而攝人

治德者不以德以道

舊註若不失德斯其德者也處乎至道而德自生焉

以道本人之性無褻穢久湛于物即忘其本忘其本即

合于若性

舊註離其純素之本反以染習之欲爲性也

衣食禮俗者非人之性也所受于外也

文子續義卷九

十一

舊註性分之外

故人性欲平嗜欲害之惟有道者能遺物反己

舊註能復性本

有以自鑒即不失物之情無以自鑒即動而惑熒

舊註以道自鑒則萬物之性素無所汙苟不能則物

來熒惑動皆失正也

夫縱欲失性動未嘗正以治生即失身以治國即亂人

故不聞道者無以反性

舊註故曰反者道之用也

續義性與欲固有間矣人皆然君爲甚夫治物不以物以和者先明己之性而後明物之性明物之性則可以贊化育參天地矣

古者聖人得諸已故令行禁止
舊註其身正者不合而行

凡舉事者必先平意清神清意平物乃可正
舊註清以鑒情平以正物然後不遺而善成也
聽失于非譽目淫于采色而欲得事正卽難矣

文子續義卷九

三

可正物哉
是以貴虛

舊註以其不載故應之無屈也不虛而貴也
故水激則波起氣亂則智昏昏智不可以爲正波水不可以爲平

舊註昏則不鑒波則不止止則平而靜鑒則正而當
故聖王執一以理物之情性

舊註清平之一乃能通理乎萬類也

夫一者至貴無適于天下聖王託于無適故爲天下令

舊註甘其有適非貴于天下也聖王無欲復何適哉
以無所適而眾適故可化令天下矣

續義古之學者為己為己之道立而後為入之道行

聖人得諸已故清明在躬無遠弗燭得萬物之情而

命令行于天下矣

老子曰陰陽陶冶萬物皆乘一氣而生

舊註三才通為一和之氣以陶甄萬物也

上下離心氣乃上蒸君臣不和五穀不登

舊註所謂蓄相通之和氣故爾

文子續義卷九

西

春肅秋榮冬雷夏霜皆賊氣之所生

舊註能害常節謂之賊氣

天地之間一人之身也

舊註獨由君之化耳

六合之內一人之形也

舊註動用之狀無不效應

故明于性者天地不能脅也審于符者怪物不能惑也

舊註知神性之感通信天人之符應則不至于懼亂

矣

聖人由近以知遠

舊註身中比案此註義未明當有脫誤無別本可校姑仍其舊

以萬異為一同

舊註理推之故

氣蒸乎天地

舊註中和之氣蒸徹上下

禮義廉恥不設萬民莫相侵暴虐案莫字下一本有不字據舊註是原文所

無猶在乎混溟之中也

舊註夫至道之治感而化之非若禮義誘惑于物是

文子續義卷九

五

以純純常常不知所以然而至于此也

廉恥陵遲及至世之衰用多而財寡事力勞而養不足

民貧苦而忿爭生是以貴仁

舊註方假兼愛以治人

人鄙不齊比周朋黨各推其與懷機械巧詐之心是以

貴義

舊註義者裁斷合宜然可物正其實

男女羣居雜而無別是以貴禮

舊註禮者檢身以合度然可人敘其倫

性命之情淫而相迫于不得已卽不和是以貴樂

舊註樂者和心以澹慮然可感變風俗

故仁義禮樂者所以救敗也非通治之道也

舊註救澆淫之敗非治道之通者

續義天地一身天下二氣陽變陰化陶冶萬物皆乘

一氣而聖人愛養萬民視爲一家故天下和平也若

乃用多而財寡事力勞而養不足則民貧苦而忿爭

生非通治之道矣

誠能使神明定于天下而心反其初

文子續義卷九

去

舊註謂感而化之使歸性本

卽民性善民性善卽天地陰陽從而包之

舊註以大順故大通

卽財足而人贍貪鄙忿爭之心不得生焉

舊註以得性而足故不知其他也

仁義不用而道德定于天下而民不淫于采色

舊註苟未爲仁義所加則上下之道通而不淫君臣

之德素而無飾

故德衰然後飾仁義

其舊註失德而後仁失仁而後義

和失然後調聲

其舊註調音求和足明和已失矣

禮淫然後飾容

其舊註淫猶過也過于中庸遂飾容止

故知道德然後知仁義之不足行也知仁義然後知禮樂之不足修也

其舊註續義聖人誠而明之反其性初民復于善民性善則天地陰陽從而包之財足人贍貪鄙不生忿爭乃息

文子續義卷九

七

仁義不用而道德定于天下矣
老子曰清靜之治和順以寂寞質真而素樸閒靜而不躁

其舊註無欲者常居其妙故眾德自全
在內而合乎道出外而同乎義

其舊註中與道空外與事正

其言略而循理其行說而順情
其舊註合理之言自簡因物之行乃順

其心和而不偽其事素而不飾

其舊註內和而外素心偽則事飾

不謀所始不議所終安即留激則行

其舊註黜聰棄智留行隨感

通體乎天地同精乎陰陽一和乎四時明照乎日月

案照

一本作朗與道化者為人宅也

舊註身不自有與道為人故天地日月合其明德也

機巧詐偽莫載乎心是以天覆以德地載以樂四時不

失序風雨不為虐日月清靜而揚光五星不失其行此

清靜之所明清靜無為故天地不虧常德耳

文子續義卷九

六

舊註以其清靜無為故天地不虧常德耳

續義天清地靜故能長久聖人以清靜為治者法天

地也心清則內合乎道體靜則外同乎人是以不出

戶而化行自然與道為人故天地日月合其四德也

老子曰治世之職易守也

舊註無事故易守也易守易治乎四制通照乎日月

其事易為也乘賢留智留德也

舊註不擾故易為交明清照照其德也

其禮易行也而後養心為國事也

其責易償也

舊註法寬故易償

是以人不兼官官不兼事士農工商鄉別州異

舊註不相奪倫

故農與農言藏士與士言行工與工言巧商與商言數

舊註數謂所利之數

是以士無遺行工無苦事農無廢功商無折貨各安其

性

文子續義卷九

充

舊註性所便習各安其時也

異形殊類易事而不悖

舊註雖四人殊類出處異途交易其事不相悖亂

失業處而賤得志勢而貴

案此二句一本無處字勢字

舊註得者自得失者自失

續義古人世守一官官守一事故治世之臣職易守

事易為後世兼官共事之法行官益冗而事益繁政

出多門反致害治

夫先知遠見之人才之盛也而治世不以責于民博聞

強志口辯辭給之人知之溢也而明主不求于下傲世
賤物不從流俗士之伉行也而治世不以爲化民故高
不可及者不以爲人量行不可逮者不以爲國俗

本舊註夫至理之道風俗齊同而尚賢貴貨爭盜斯起
者也

故人才不可專用而度量

舊註以其分異

道術可世傳

道舊註道者隨分而通術者執一應萬故傳世可用也

文字續義卷九

辛

故國治可與愚守也而軍旅可與整同也

案與整一本作以法

舊註國使一俗之故則愚可守軍使一法之故則整

可同

不待古之英雋而人自足者因其所有而竝用之也

舊註無事之世則賢愚之材莫不同適而竝用

末世之法高爲量而罪不及也重爲任而罰不勝也爲

其難而誅不敢也

舊註分外責之也夫輕其任則皆勝在所易則皆敢

民困于三責卽飾智而詐上犯袞而行危

舊註賈乎苟免之辭六者之義避刑避罪之中各異
雖峻法嚴刑不能禁其姦謂其苦刑對錯而爲器矣

舊註復以其姦避刑謂其苦刑對錯而爲器矣

獸窮即觸鳥窮即啄人窮即詐此之謂也

續義才不可以勝德言不可以過行才盛而有先知

者之見者治世不以責于人聞博而有辯口之佞者明

大主不以求于下傲世仇行責人以重難強人以不能

者惡免人窮之詐哉

老子曰雷霆之聲可以鐘鼓象也風雨之變可以音律

文子續義卷九

知也曰雷霆之聲可以鐘鼓象也風雨之變可以音律

舊註屬于聲色即不能逃乎案此註語氣未了當有關文

大可睹者可得而量也明可見者可得而蔽也聲可聞

者可得而調也色可察者可得而別也

舊註以在際限之內言不可以感言本熱而音夫味

夫至大天地不能函也至微神明不能領也

舊註謂太古之時道體混茫德用微密也

及至建律歷別五色異清濁味甘苦即樸散而爲器矣

舊註將有五色之雜六律之差遂散混茫之中各周

器域之用也

立仁義修禮樂即德遷而為偽矣

舊註自得為德今德因物修非偽何也

民飾智以驚愚設詐以攻上天下有能持之而未能有治之者也

舊註言雖能持之未能有治矣

夫智能彌多而德滋衰

案衰一本作衰

是以至人澹樸而不散

鐘鼓風雨之于音律皆得象而為之至若天地之大

文子續義卷九

主

神明之微則有所不能盡究也惟至人澹樸不散而可以為萬世之師

夫至人之治虛無寂寞不見可欲心與神處

舊註有用無宰

形與性調

舊註中外通順

靜而體德動而理通循自然之道緣不得已矣

舊註感而後應

漠然無為而天下和淡然無欲而民自樸不忿爭而財

足施者不德受者不讓德反歸焉而莫之惠

舊註使天下不知所得不讓所來則至德反歸而未始嘗惠者也

不言之辯不道之道若或通焉謂之天府

舊註處此道以化民與天同德也

取焉而不損酌焉而不竭莫知其所由出謂之搖光

舊註夫有餘而以餘被物者謂之光順物用而動者謂之搖也

搖光者資糧萬物者也

文子續義卷九

三

舊註道能善貸且成故稱資糧也

續義北辰天之尊帝也端居天心而眾星拱之至人取法爲治心與神處漠然無爲而天下和搖光居北斗之柄資糧萬物隨天左旋日轉一周斗不降祿生民罔食舜察璇璣以齊七政其知天矣乎

老子曰天愛其精地愛其平人愛其情

舊註愛猶尙也

天之精日月星辰雷霆風雨也地之平水火金木土也

舊註天布六氣之精地分五行之平

人之情思慮聰明喜怒也故閉四關止五遁卽與道淪
神明藏于無形精氣反于眞

舊註四關謂耳目鼻口五遁謂五情離本也能閉而
止之則與道冥通而全神氣耳

目明而不以眇耳聰而不以聽口當而不以言心條通
而不以思慮委而不爲知而不矜直性命之情而知故
不得害

舊註天如是則外無牽役之勞內無冰炭之害

精存于目卽其眇明存于耳卽其聽聰留于口卽其言

文子續義卷九

書

當集于心卽其慮通

舊註凡用心以至猶可庶幾況精之所存乎

故閉四關卽終身無患四肢九竅莫死莫生是謂眞人

舊註莫死莫生猶不廢不用也眞人也精而而已肢

體藏竅純氣周焉

地之生財大本不過五行聖人節五行卽治不荒

舊註稟生之氣在乎五行爲治者法之卽不相剋害

也

續義人有五性應天五星應地五行五性動七情出

身可不知愛乎夫神藏于心精藏于腎魂藏于肝魄
藏于肺意藏于脾神明藏于無形莫生莫死是謂眞
人

老子曰衡之于左右無私輕重故可以爲平繩之于內
外無私曲直故可以爲正人主之于法無私好憎故可
以爲命

〔舊註〕命猶令也苟無所私可正天下
德無所立怨無所藏是任道而合人心者也

〔舊註〕委道而往所在皆同同而無心豈容德怨矣

文子纘義卷九

壹

故爲治者知不與焉

〔舊註〕用智乃非互也

水戾破舟木擊折軸不怨木石而罪巧拙者

案此下原
行也字今

〔據明刊
本刪〕知不載也

〔舊註〕無心者物不加怨載智者未嘗終吉

故道有知卽亂德有心卽險心有目卽眩

〔舊註〕智亂無爲之道心險自安之德目眩清素之心

夫權衡規矩一定而不易常一而不衰方行而不留一

日形之萬世傳之無爲之爲

舊註一者無爲百王用之萬世傳之而不易也凡無情無私一以遇之者雖終日應用未嘗爲也斯道至治正而有常不然權之與量豈一日制作而萬世不能易哉

續義人有私心罔不害道人主無私故法一而令行是故德有心則險心有眼則眩知權衡規矩一定而不易則知一者無爲之爲百王用之萬世傳之

人之言曰國有亡主世無亡道

案人之言曰上一本有老子曰三字

舊註道不易世惟人弘之

文子續義卷九

美

人有窮而理無不通

舊註人能窮究于彼者莫有不通之理也

故無爲者道之宗也得道之宗竝應無窮

舊註無心于其間則與萬物偕往而不置也

故不因道理之數而專己之能其窮不遠也

舊註惟不專己循天之理者泰然不知窮之所至

夫人君不出戶以知天下者因物以識物因人以知人

也

舊註以無爲爲心也是能因也但因其理以推之則

天下可識知矣
故積力之所舉卽無不勝也眾智之所爲卽無不成也
千人之眾無絕糧萬人之羣無廢功

舊註言人君不擅于事乃能因眾人之力以勝任天下失其所因之道則智窮而事廢矣

工無異伎士無兼官各守其職不得相干人得所宜物得所安是以器械不惡職事不慢也

舊註凡盡于一用則不失所宜

夫責少易償也

文子續義卷九

七

舊註動可補過

職寡易守也

舊註事簡故就

任輕易勸也

舊註力餘則順

上操約少之分下効易爲之功是以君臣久而相厭也

舊註簡易之道可大可久

續義天不自天有爲天者地不自地有爲地者爲者

其誰也國有亡主世不亡道伊尹五就桀而不用是

專己之能而不知因人之道也故伊尹不爲夏而爲湯矣夏其有不亡湯其有不興乎

老子曰帝者體太一而不濫嗔乎烈烈出春而不熾

舊註體太一真一之道也

王者法陰陽

舊註法陶鈞品物之工也

霸者則四時

舊註則春秋溫嚴之令

君者用六律

文子續義卷九

天

舊註用五音節候之氣

體太一者明于天地之情通于道德之倫

舊註出乎天地總乎道德

聰明照于日月精神通于萬物

舊註無幽不燭故照于日月無機不守故通于萬物

動靜調乎陰陽喜怒和乎四時

舊註動而不冗靜而不凝調乎陰陽也春而不溫秋

而不嚴和乎四時也

覆露皆道博洽而無私

舊註覆之與露往復皆道

娟飛蛺動莫不仰德而生豈賦帝王之烈非聖人焯

舊註三才和合得盡其生

德流方外名聲傳乎後世其合想而容不肖無德味

舊註居其實者自然爲賓美之主也

法陰陽者承天地之和德與天地參光明與日月竝照

精神與鬼神齊靈

舊註所謂與天地鬼神合其靈德也

戴圓履方抱表寢繩

文子續義卷九

无

舊註進止之道皆在法象

丙能治身外得人心發號施令天下從風

舊註如風靡出

則四時者春生夏長秋收冬藏取與有節出入有量喜

怒剛柔不離其理柔而不脆剛而不壯寬而不肆肅而

不悖優柔委順以養羣類其德合愚而容不肖無所私

愛也

舊註總此眾美方成霸道則知帝王之際非聖人孰

能與于此哉

用六律者生之與殺也賞之與罰也與之與奪也非此無道也

舊註有道在乎能順大候以行庶政賞罰之際不乖物宜

伐亂禁暴舉賢廢不肖匡衺以爲正攘險以爲平矯枉以爲直明于施舍開塞之道乘時因勢以服役人心者也

舊註非平正者不能制御萬物非時勢者不能役用于人也

文子續義卷九

三

帝者體陰陽卽侵

舊註出太一無爲之德

王者法四時卽削霸者用六律卽辱君者失準繩卽廢

舊註虜刑賞齊人之政

故小而行大卽塞而不親

舊註以智位之不可瞻也

大而行小卽狹隘而不容

舊註以道德之無所施也

續義不自皇而自帝曰王曰霸曰君何哉尊皇也帝

者失道而後德王者失德而後仁霸者失仁而後義
君者失義而後禮大者立則小者在焉小者立則大
者失矣

老子曰地廣民眾不足以爲強

舊註失道即皆爲仇敵也

甲堅兵利不足以恃勝

舊註恃勝則驕驕即敗

城高池深不足以爲固

舊註在德不在險

文子續義卷九

嚴刑刻殺不足以爲威

舊註恩布則威行法峻則人叛

爲存政者無小必存爲亡政者無大必亡故善守者無

與禦

舊註處不可奪之政

善戰者無與鬪

舊註因其怒而用之

乘時勢因民欲而天下服

舊註湯武之類也

故善爲政者積其德善用兵者蓄其怒積德而民可用也蓄怒而威可立也故文之所加者深則權之所服者大德之所施者博則威之所制者廣

舊註修文德以來之則干戈爲棄物耳

廣則我強而敵弱善用兵者先弱敵而後戰

舊註乘天下之心故也

故費不半而功十倍千乘之國行文德者王萬乘之國好用兵者亡王兵先勝而後戰

舊註常持必勝之算故有征無戰耳

文子續義卷九

三

敗兵先戰而後求勝

舊註不知常處必敗之地

此不明乎道也

續義行文德者雖小必存好用兵者雖大必亡善爲政者積其德善用兵者蓄其怒惟知兵本以止亂而不以爲亂則民不傷而國長存

文子續義卷九

總校王詒壽分校

徐鼎勳同校

文子續義卷十

宋 杜 大道 堅 撰

上仁

案此篇續義原闕今仍錄文子原文以符篇目

老子曰君子之道靜以修身儉以養生靜卽下不擾下不擾卽民不怨下擾卽政亂民怨卽德薄政亂賢者不爲謀德薄勇者不爲鬪亂主則不然一日有天下之富處一主之勢竭百姓之力以奉耳目之欲志專于宮室臺榭溝池苑囿猛獸珍怪貧民飢餓虎狼厭芻豢百姓凍寒宮室衣綺繡故人主畜茲無用之物而天下不安

文子續義卷十

一

其性命矣

老子曰非淡漠無以明德非寧靜無以致遠非寬大無以并覆非正平無以制斷以天下之目眎以天下之耳聽以天下之心慮以天下之力爭故號令能下究而臣情得上聞百官修達羣臣輻輳喜不以賞賜怒不以罪誅法令察而不苛耳目聰而不闇善否之情日陳于前而不逆故賢者盡其智不肖者竭其力近者安其性遠者懷其德得用人之道也夫乘輿馬者不勞而致千里乘舟楫者不游而濟江海使言之而是雖商夫芻蕘猶

不可棄也言之而非雖在人君卿相猶不可用也是非之處不可以貴賤尊卑論也其計可用不羞其位其言可行不貴其辯闇主則不然羣臣盡誠效忠者希不用其身也而親習邪枉賢者不能見也疏遠卑賤竭力盡忠者不能聞也有言者窮之以辭有諫者誅之以罪如此而欲安海內存萬方其離聰明亦以遠矣

老子曰能尊生雖富貴不以養傷身雖貧賤不以利累形今受先祖之遺爵必重失之生之所由來久矣而輕失之豈不惑哉貴以身治天下可以寄天下愛以身治

文子續義卷十

二

天下所以託天下以良治天下不以良治天下愛以良治文子問治國之本老子曰本在於治身未嘗聞身治而國亂者也身亂而國治者未有也故曰修之身其德乃真道之所以至妙者父不能以教子子亦不能受之于父故道可道非常道也名可名非常名也

文子問曰何行而民親其上老子曰使之以時而敬慎之如臨深淵如履薄冰天地之間善卽吾畜也不善卽吾讎也昔者夏商之臣反讎桀紂而臣湯武夙沙之民自攻其君歸神農氏故曰人之所畏不可不畏也

老子曰治大者道不可以小地廣者制不可以狹位高者事不可以煩民眾者教不可以苛事煩難治法苛難行求多難贍寸而度之至丈必差銖而稱之至石必過石稱丈量徑而寡失大較易爲智曲辯難爲慧故無益于治有益于亂者聖人不爲也無益于用有益于費者智者不行也故功不厭約事不厭省求不厭寡功約易成事省易治求寡易贍任于眾人則易故小辯害義小義破道道小必不通通必簡河以逶迤故能遠山以陵遲故能高道以優游故能化夫通于一伎審于一事察

文子續義卷十

三

于一能可以曲說不可以廣應也夫調音者小絃急大絃緩立事者賤者勞貴者佚道之言曰芒芒昧昧因天之威與天同氣同氣者帝同義者王同功者霸無一焉者亡故不言而信不施而仁不怒而威是以天心動化者也施而仁言而信怒而威是以精誠爲之者也施而不仁言而不信怒而不威是以外貌爲之者也故有道以理之法雖少足以治無道以理之法雖眾足以亂老子曰鯨魚失水則制于螻蟻人君舍其所守而與臣爭事則制于有司以無爲持位守職者以聽從取容臣

下藏智而不用反以事專其上人君者不任能而好自爲則智日困而自負責數窮于下則不能申理行墮于位則不能持制智不足以爲治威不足以行刑則無以與天下交矣喜怒形于心嗜欲見于外則守職者離正而阿上有司枉法而從風賞不當功誅不應罪則上下乖心君臣相怨百官煩亂而智不能解非譽萌生而明不能照非己之失而反自責則人主愈勞人臣愈佚是代大匠斲夫代大匠斲者希有不傷其手矣與馬逐走筋絕不能及也上車攝轡馬服衡下伯樂相之王良御

文子續義卷十

四

之明主乘之無御相之勞而致千里善乘人之資也人君之道無爲而有就也有立而無好也有爲卽議有好卽諛議卽可奪諛卽可誘夫以建而制于人者不能持國故善建者不拔言建之無形也惟神化者物莫能勝中欲不出謂之扃外邪不入謂之閉中扃外閉何事不節外閉中扃何事不成故不用之不爲之而有用之而有爲之不伐之言不奪之事循名責實使自有司以不知爲道以禁苛爲主如此則百官之事各有所攷

老子曰食者民之本也民者國之基也故人君者上因

天時下盡地理中用人力是以羣生以長萬物蕃殖春
伐枯槁夏收百果秋蓄蔬食冬取薪蒸以爲民資生無
乏用死無傳尸先王之法不掩羣而取馭上音禛下音滔不
涸澤而漁不焚林而獵豺未祭獸音罝罟不得通于野
獾未祭魚網罟不得入于水鷹隼未擊羅網不得張于
皋草木未落斤斧不得入于山林昆蟲未蟄不得以火
田育孕不殺音鷄卵不探魚不長尺不得取犬豕不期
年不得食是故萬物之發生若蒸氣出先王之所以應
時修備富國利民之道也非目見而足行之也欲利民

文子續義卷十

五

不忘乎心則民自備矣

老子曰古者明君取下有節自養有度必計歲而收量

民積聚知有餘不足之數然後取奉如此卽得承所受

于天地而離于飢寒之患其慳悁于民也國有飢者食

不重味民有寒者冬不被裘與民同苦樂卽天下無哀

民閭主卽不然取民不裁其力求下不量其積男女不
得耕織之業以供上求力勤財盡有且無暮君臣相疾

且人之爲生也一人蹠耒而耕不益十畝中田之收不

過四石妻子老弱仰之而食或時有災害之患無以供

上求卽人主愍之矣貪主暴君涸漁其下以適無極之欲則百姓不被天和履地德矣

老子曰天地之氣莫大于和和者陰陽調日夜分故萬物春分而生秋分而成生與成必得和之精故積陰不生積陽不化陰陽交接乃能成和是以聖人之道寬而栗嚴而溫柔而直猛而仁夫太剛則折太柔則卷道正在于剛柔之間夫繩之爲度也可卷而懷也引而申之可直而布也長而不橫短而不窮直而不剛故聖人體之夫恩推卽懦懦卽不威嚴推卽猛猛卽不和愛推卽

文子續義卷十

縱縱卽不令刑推卽禍禍卽無親是以貴和也
老子曰國之所以存者得道也所以亾者理塞也故聖人見化以觀其徵德有昌衰風爲先萌故得生道者雖小必大有亾徵者雖成必敗國之亾也大不足恃道之行也小不可輕故存在得道不在乎小亾在失道不在乎大故亂國之主務于地廣而不務于仁義務在高位而不務于道德是舍其所以存造其所以亾也若上亂三光之明下失萬民之心孰不能承故審其己者不備諸人也古之爲君者深行之謂之道德淺行之謂之仁

義薄行之謂之禮智此六者國家之綱維也深行之則
厚得福淺行之則薄得福盡行之天下服古者修道德
卽正天下修仁義卽正一國修禮智卽正一鄉德厚者
大德薄者小故位不以雄武立不以堅強勝不以貪競
得立在天下推已勝在天下自服得在天下與之不在
于自取故雌牝卽立柔弱卽勝仁義卽得不爭卽莫能
與之爭故道之在于天下也譬猶江海也天之道爲者
敗之執者失之夫欲名之大而求之爭之吾見其不得
已而雖執而得之不留也夫名不可求而得也在天下

文子續義卷十

七

與之與之者歸之天下所歸德也故云上德者天下歸
之上仁者海內歸之上義者一國歸之上禮者一鄉歸
之無此四者民不歸也不歸用兵卽危道也故曰兵者
不祥之器不得已而用之殺傷人勝而勿美故曰死地
荆棘生焉以悲哀泣之以喪禮居之是以君子務于道
德不重用兵也

文子問仁義禮何以爲薄于道德也老子曰爲仁者必
以哀樂論之爲義者必以取與明之四海之內哀樂不
能徧竭府庫之財貨不足以贍萬民故知不如修道而

行德因天地之性萬物自正而天下瞻仁義因附是以大丈夫居其厚不居其薄夫禮者實之文也仁者恩之效也故禮因人情而制不過其實仁不溢恩悲哀抱于情送死稱于仁夫養生不強人所不能及不絕人所不能已度量不失其適非譽無由生矣故制樂足以合歡不出于和明于死生之分通于侈儉之適也未世卽不然言與行相悖情與貌相反禮飾以煩樂擾以淫風俗溺于世非譽萃于朝故至人廢而不用也與驥逐走卽人不勝驥託于車上卽驥不勝人故善用道者乘人之

文子續義卷十

八

資以立功以其所能託其所不能也主與之以時民報之以財主遇之以禮民報之以死故有危國無安君有憂主無樂臣德過其位者尊祿過其德者凶德貴無高義取無多不以德貴者竊位也不以義取者盜財也聖人安貧樂道不以欲傷生不以利累己故不違義而妄取古者無德不尊無能不官無功不賞無罪不誅其進人也以禮其退人也以義小人之世其進人也若上之天其退人也若內之淵言古者以疾今也相馬失之瘦選士失之貧豚肥充廚骨骹不官君子察實無信讒言

君過而不諫非忠臣也諫而不聽君不明也民沈溺而不憂非賢君也故守節死難人臣之職也衣寒食飢慈父之恩也以大事小謂之變人以小犯大謂之逆天前雖登天後必入淵故鄉里以齒老窮不遺朝廷以爵尊卑有差夫崇貴者爲其近君也尊老者爲其近親也敬長者爲其近兄也生而貴者驕生而富者奢故富貴不以明道自鑑而能無爲非者寡矣學而不厭所以治身也教而不倦所以治民也賢師良友舍而爲非者寡矣知賢之謂智愛賢之謂仁尊仁之謂義敬賢之謂禮樂

文子續義卷十

九

賢之謂樂古之善爲天下者無爲而無不爲也故爲天下有容能得其容無爲而有功不得其容動作必凶爲天下有容者豫兮其若冬涉大川猶兮其若畏四鄰儼兮其若容渙兮其若冰之液敦兮其若樸混兮其若濁廣兮其若谷此爲天下容豫兮其若冬涉大川者不敢行也猶兮其若畏四鄰者恐自傷也儼兮其若容者謙恭敬也渙兮其若冰之液者不敢積藏也敦兮其若樸者不敢廉成也混兮其若濁者不敢清明也廣兮其若谷者不敢盛盈也進不敢行者退不敢先也恐自傷者

守柔弱不敢矜也謙恭敬者自卑下尊敬人也不敢積
藏者自損弊不敢堅也不敢廉成者自虧缺不敢全也
不敢清明者處濁辱而不敢新鮮也不敢盛盈者見不
足而不敢自賢也夫道退故能先守柔弱故能矜自卑
下故能高人自損弊故實堅自虧缺故盛全處濁辱故
新鮮見不足故能賢道無爲而無不爲也

文子續義卷十

十

不與小人自貴

夫道退故能先守柔弱故能矜自卑下故能高人自損弊故實堅自虧缺故盛全處濁辱故新鮮見不足故能賢道無爲而無不爲也

不與小人自貴

夫道退故能先守柔弱故能矜自卑下故能高人自損弊故實堅自虧缺故盛全處濁辱故新鮮見不足故能賢道無爲而無不爲也

文子續義卷十 徐鼎勳 同校

文子續義卷十一

宋其杜其道其堅其

末止義

老子曰凡學者能明于天人之分通于治亂之本澄心清意以存之見其終始反于虛無可謂達矣治之本仁義也其末法度也人之所生者本也其所不生者末也本末一體也其兩愛之性也先本後末謂之君子先末後本謂之小人法之生也以輔義重法棄義是貴其冠履而忘其首足也仁義者廣崇也不益其厚而張其廣

文子續義卷十一

一

者毀不廣其基而增其高者覆故不大其棟不能任重任重莫若棟任國莫若德人主之有民猶城之有基木之有根根深即本固基厚即上安故事不本于道德者不可以爲經言不合于先王者不可以爲道便說掇取一行一切之術非天下通道也無可謂道矣續義止義者明于天人之分通于治亂之本治有本末知所先後則近于道德矣術其可以治天下乎

老子曰治人之道其猶造父之御駟馬也齊輯之乎轡衛正度之乎膺膺內得于中心外合乎馬志故能取道

致遠氣力有餘進退還曲莫不如意誠得其術也今夫
權勢者人主之車輿也大臣者人主之駟馬也身不可
離車輿之安手不可失駟馬之心故駟馬不調造父不
能以取道君臣不和聖人不能以爲治也執道以御之
中才可盡明分以示之姦袞可止物至而觀其變事來
而應其化近者不亂卽遠者治矣不用適然之教而得
自然之道萬舉而不失矣

續義天地一馬萬物一指聖人格物之至而以輿譬
乎權勢駟馬譬乎大臣人主因而乘之不煩智力無

文子續義卷十一

二

遠不服是乃治之方也安得執御者而與之言乎

老子曰凡爲道者塞衰隧防未然不貴其自是也貴其
不得爲非也故曰勿使可欲無日不求勿使可奪無日
不爭如此則人欲釋而公道行矣有餘者止于度不足
者逮于用故天下可一也

案也字上
本有人字

夫釋職事而聽

非譽棄功勞而用朋黨卽奇伎逃亡

案逃亡一
本作天長守職不

進民俗亂于國功臣爭于朝故有道以御人無道則制

于人

續義良醫不治已病治未病爲道者塞衰隧治未然

其良醫之謂歟故不責自是貴不爲非則無可欲之
求可奪之爭矣故有道則可以御人無道則受制于
人

老子曰治國有常而利民爲本政教有道而令行爲古
苟利于民不必法古苟周于事不必循俗故聖人法與
時變禮與俗化衣服器械各便其用法度制令各因其
宜故變古未可非而循俗未足多也誦先王之書不若
聞其言聞其言不若得其所言得其所言者言不
能言也故道可道非常道也名可名非常名也故聖人
所由曰道猶金石也一調不可更事猶琴瑟也曲終改
調法制禮樂者治之具也非所以爲治也故曲士不可
與論至道者訊寤于俗而束于教也論表聖之書不若
續義道乃法之體法乃道之用夫治國有常而利民
爲本者道也政教有道而令行爲古者法也聖人法
與時變禮與俗化法度制令各因其宜故曲士不可
與論至道爲其束于教耳

文子續義卷十一

三

老子曰天下幾有常法哉當于世事得于人理順于天
道案道一
本作地詳于鬼神卽可以正治矣昔者三皇無制令

而民從五帝有制令而無刑罰夏后氏不負言殷人誓
周人盟末世之衰也忍垢而輕辱貪得而寡羞故法度
制令者論民俗而節緩急器械者因時變而制宜適夫
制于法者不可與遠舉拘禮之人不可使應變必有獨
見之明獨聞之聰然後能擅道而行夫知法之所由生
者卽應時而變不知治道之源者雖循終亂今爲學者
循先襲業握篇籍守文法欲以爲治猶持方柄而內圓
鑿也欲得宜適亦難矣夫存危治亂雖智不能道先稱
古雖愚有餘故不用之法聖人不行也不驗之言明主

文子續義卷十一

不聽也

下增故不用之法聖人不行也不驗之言明主

續義

聖人立法本爲禁姦惡平冤抑保人民也三皇

無制令而從五帝而下所制法令賞罰代各不同者

時變故也明主其可不究乎

故制節廢備今爲學者

文子問曰法安所生老子曰法生于義義生于眾適合

乎人心

案一本作義生于眾適眾適合乎人心

此治之要也法非從天下

也非從地出也發乎人問反己自正誠達其本不亂于

未知其要不惑于疑有諸己不非于人無諸己不責于

所立立于下者不廢于上禁于民者不行于身故人主

之制法也先以自爲檢式故禁勝于身卽令行于民

續義文子問法安所生老子語以法生于義義者宜

也先王立法務適眾情故先以身爲檢式所禁于民者不敢犯于身是故令行而天下從之

夫法者天下之準繩也人主之度量也縣法者法不法也法定之後中繩者賞缺繩者誅雖尊貴者不輕其賞卑賤者不重其刑犯法者雖賢必誅中度者雖不肖無罪是故公道行而私欲塞也古之置有司也所以禁民使不得恣也其立君也所以制有司使不得專行也法

文子續義卷十一

度道術所以禁君使不得橫斷也案不一人莫得恣卽本作無

道勝而理得矣故反于無爲案于一樸無爲者非謂其不

動也言其從己出也案中更替雖不肖

續義法者人主示度量爲天下準繩也法定之後不

二所施夫犯法者雖尊貴必誅中度者雖卑賤無罪

故私欲塞而公道行矣古之置有司立人君制禮法

三者不廢天下無怨民世可反樸法令何庸哉

老子曰善賞者費少而勸多善罰者刑省而姦禁善與

者用約而爲德善取者入多而無怨故聖人因民之所

喜以勸善因民之所憎以禁姦賞一人而天下趨之罰一人而天下畏之是以至賞不費至刑不濫聖人守約而治廣此之謂也

續義生長殺藏天之道也賞罰取與人之道也聖人上法天道下因民心而爲平治之本夫有天下者能于四者之柄每事盡善故賞一人而天下歸之罰一人而天下畏之

老子曰臣道者論事處當爲事先唱

案事一本誤作是

守職明

分以立成功故君臣異道卽治同道卽亂各得其宜處

文子續義卷十一

六

有其當卽上下有以相使也故枝不得大于榦末不得強于本言輕重大小有以相制也夫得威勢者所持甚少所任甚大

案一本作所持甚小所利甚大

所守甚約所制甚廣十圍之木持千鈞之屋得所勢也五寸之關能制開闔所居

要也下必行之令順之者利逆之者害

案害一本作凶

天下莫

不聽從者順也發號令行禁止者以眾爲勢也義者非能盡利于天下之民也利一人而天下從之暴者非能盡害于海內也害一人而天下叛之故舉措廢置不可

不審也

續義君依臣而立臣依君而行君無爲乎上臣有爲乎下論事處當守職明分臣之事也君臣各得其宜卽上下有以相使小大有以相制故異道卽治舉措廢置有關於治亂爲君者不可不審也

老子曰屈寸而伸尺小枉而大直聖人爲之今人君之論臣也不計其大功總其略行而求其小善卽失賢之道也故人有厚德無問其小節人有大譽無疵其小故夫人情莫不有所短成其大略是也雖有小過不足以爲累也

案一本無足字

成其大略非也閭里之行未足多也故

文子續義卷十一

七

小謹者無成功疵行者不容眾體大者節疏度巨者譽遠論臣之道也

續義世之全材難得自古皆然夫工師之求棟梁能不拘小節故大材可得人主之論臣佐知屈寸而伸尺則大賢可得矣蓋人無十全事無盡美舍小取大何功不成舍短從長何事不濟

不濟也

老子曰自古及今未有能全其行者也故君子不責備于一人方而不割廉而不剌直而不肆博達而不訾道德文武不責備于人力自修以道而不責于人

案一本作而自

立智能竝行聖人一以仁義爲準繩中繩者謂之君子不中繩者謂之小人君子雖死亾其名不滅小人雖得勢其罪不除左手據天下之圖而右手刎其喉雖愚者不爲身貴于天下也死君親之難者視死如歸義重于身也故天下大利也比之身卽小身之所重也比之仁義卽輕此以仁義爲準繩者也

合續義屈伸相感之道君子小枉而大直猶龍蛇之蟄奮善言善行潤澤羣生皆自屈身養德中來聖人以仁義爲準繩知身重于天下義重于身故能死君親

文子續義卷十一

九

之難是以君子身死而名不亾亾于良效前老子曰道德之備猶日月也夷狄蠻貊不能易其指趣舍同卽非譽在俗意行均卽窮達在時事周于世卽功成務合于時卽名立是故立功名之人簡于世而謹于時時之至也間不容息案間字上一本有卽字古之用兵者非利

土地而貪寶賂也將以存亾平亂爲民除害也貪饕多欲之人殘賊天下萬民騷動莫寧其所有聖人勃然而起討強暴平亂世爲天下除害以濁爲清以危爲寧故

不得不中絕

續義人之道德天之日月也人之五性天之五星也
雖夷狄蠻貊無以易之夫趣舍在己非譽在人不用
關於時行不行繫乎命是以君子得時行道間不
容息

赤帝爲火災故黃帝擒之共工爲水災故顓頊誅之教
之以道

案之一本
誤作人

導之以德而不聽卽臨之以威武臨

之不從則制之以兵革殺無罪之民養不義之主害莫
大焉殫天下之財

案殫一
本作聚

贍一人之欲禍莫深焉肆一

人之欲而長海內之患此天倫所不取也所爲立君者

文子續義卷十一

十

以禁暴亂也今乘萬民之力反爲殘賊是以虎傅翼何
爲不除夫畜魚者必去其蠹獺養禽獸者必除其豺狼
又況牧民乎是故兵革之所爲起也

續義國家五運其來久矣赤帝火運君失其德火乃
爲災共工水運君失其德水乃爲災以知人君失德
隨運爲災此兵革之所爲起凡有土之君其可失德
致災而不知儆悟也

老子曰爲國之道上無苛令官無煩治士無僞行工無
淫巧其事任而不擾其器完而不飾亂世卽不然爲行

者相揭以高爲禮者相矜以僞車輿極于彫琢器用遂于刻鏤求貨者爭難得以爲寶詆文者逐煩瑣以爲急士爲僞辯案僞一本作詭久稽而不決無益于治有益于亂工

爲奇器歷歲而後成不周于用故神農之法曰丈夫丁壯不耕天下有受其飢者婦人當年不織天下有受其寒者故身親耕妻親織以爲天下先其導民也不貴難得之貨不重無用之物是故耕者不強無以養生織者不力無以衣形有餘不足各歸其身衣食饒裕姦邪不生安樂無事天下和平智者無所施其策勇者無所措

文子續義卷十一

其威

續義

古今爲國其道不同者俗變故也古人淳樸上

無苛令官無煩治士無僞行工無淫巧是故人心易足爲治不難後世俗變風移上行下效奢侈相尙貪欲無厭是以人心難足爲治不易

老子曰霸王之道以謀慮之以策圖之挾義而動非以圖存也將以存亾也故聞敵國之君有暴虐其民者卽舉兵而臨其境責以不義刺以過行兵至其郊令軍帥曰無伐樹木無掘墳墓無敗五穀無焚積聚無捕民虜

無聚六畜乃發號施令曰其國之君逆天地侮鬼神決獄不平殺戮無罪天之所誅民之所讎也兵之來也以廢不義而授有德也有敢逆天道亂民之賊者身死族滅以家聽者祿以家以里聽者賞以里以鄉聽者封以鄉以縣聽者侯以縣克其國不及其民廢其君易其政尊其秀士顯其賢良振其孤寡恤其貧窮出其囹圄賞其有功百姓開戶而納之漬米而儲之惟患其不來也義兵至于境不戰而止不義之兵至于伏屍流血相交以前故爲地戰者不能成其王爲身求者不能立其功

文子續義卷十一

十一

舉事以爲人者眾助之以自爲者眾去之眾之所助

案

一本誤作動

雖弱必強眾之所去雖大必亡

其與前此

其續義文子十二篇三而四之先皇後霸帝王在焉霸

之世時之秋歟觀其非以圖存將以存亡之語則興

廢繼絕之風藹然在目視後世不義之舉遠矣其如

老子曰上義者治國家理境內行仁義布德施惠立正

法塞衰道羣臣親附百姓和輯上下一心羣臣同力諸

侯服其威四方懷其德修政廟堂之上折衝千里之外

發號行令而天下響應此其上也地廣民眾主賢將良

國富兵強約束信號令明兩敵相當未交兵接刃而敵人奔亾此其次也知土地之宜習險隘之利明苛政之變察行陣之事白刃合流矢接輿死扶傷流血千里暴骸滿野義之下也兵之勝敗皆在于政政勝其民下附其上卽兵強民勝其政下叛其上卽兵弱仁義足以懷天下之民事業足以當天下之急選舉足以得賢士之心謀慮足以決輕重之權此上義之道也

續義兵法先舉者爲主應敵者爲客用兵有言吾不敢爲主而爲客謂兵不可輕舉也夫不得已而用之

文子續義卷十一

七

則義舉爲上敵奔次之戰斯下矣

老子曰國之所以強者必死也所以死者必義也

案一本作

所以必死者義也

義之所以行者威也是故令之以文齊之以

武是謂必取威義並行是謂必強白刃交接矢石若雨

而士爭先者賞信而罰明也上視下如子下事上如父

上視下如弟下事上如兄上視下如子必王四海下事

上如父必正天下上視下如弟卽必難爲之死下事上

如兄卽必難爲之亾故父子兄弟之寇不可與之鬪是

故義君內修其政以積其德外塞于邪以明其勢察其

勞佚以知飢飽戰期有日視死若歸恩之加也

續義治天下有道奚以兵為哉不得已也強國之兵必死者義迫之也然則有道之主忍以強國而置民于死地乎上視下如子下事上如父是故義君修政積德國將自強世固有之矣

文子續義卷十一

古

則義果為上

老子曰國之

所以必死

義之所以

武是謂必取

威義並行

是謂必強

而蘇秦

國戰自斂

毋固齊

上視下

如平土

下事上

如天

如地

如父母

如君

如師

如天

如地

如父母

如君

文子續義卷十一

徐鼎勳同校

文子續義卷十二

宋 杜 而 道 堅 撰

上禮

案此篇續義原闕今仍錄文子原文以符篇目

老子曰上古真人呼吸陰陽而羣生莫不仰其德以和
順當此之時領理隱密自成純樸純樸未散而萬物大
優及世之衰也至伏羲氏昧昧懋懋皆欲離其童蒙之
心而覺悟乎天地之間其德煩而不一及至神農皇帝
覈領天下紀綱四時和調陰陽于是萬民莫不竦身而
思戴聽而視故治而不和夏至夏殷之世嗜欲達于物

文子續義卷十二

一

聰明誘于外性命失其真施及周室澆醇散樸離道以
爲僞險德以爲行智巧萌生狙學以擬聖華誣以脅眾
琢飾詩書以賈名譽各欲以行其智僞以容于世而失
大宗之本故世有喪性命衰漸所由來久矣是故至人
之學也欲以反性于無游心于虛世俗之學擢德撻性
內愁五藏暴行越知以譏名聲于世此至人所不爲也
擢德自見也撻性絕生也若夫至人定乎死生之意通
乎榮辱之理舉世譽之而不益勸舉世非之而不加沮
得至道之要也

老子曰古者被髮而無卷領以王天下其德生而不殺與而不奪天下非其服同懷其德當此之時陰陽和平萬物蕃息飛鳥之巢可俯而探也走獸可係而從也及其衰也鳥獸蟲蛇皆爲民害故鑄鐵鍛刃以禦其難故民迫其難則求其便因其患則操其備各以其智去其所害就其所利常故不可循器械不可因故先王之法度有變易者也故曰名可名非常名也五帝異道而德覆天下三王殊事而名後世因時而變者也譬猶師曠之調五音也所推移上下無常尺寸以度而靡不中者

文子續義卷十二

二

故通于樂之情者能作音有本主于中而知規矩鉤繩之所用者能治人故先王之制不宜卽廢之末世之事善卽著之故聖人之制禮樂者不制于禮樂制物者不制于物制法者不制于法故曰道可道非常道也

老子曰昔者之聖王仰取象于天俯取度于地中取法于人調陰陽之氣和四時之節察陵陸水澤肥瘠

古堯切

高下之宜以立事生財除飢寒之患辟疾疢之災中受人事以制禮樂行仁義之道以治人倫列金木水火土之性以立父子之親而成家聽五音清濁六律相生之

數以立君臣之義而成國察四時孟仲季之序以立長幼之節而成官列地而州之分國而治之立大學以教之此治之綱紀也得道則舉失道則廢夫物未嘗有張而不弛盛而不敗者也惟聖人可盛而不敗聖人初作樂也以歸神杜淫反其天心至其衰也流而不反淫而好色不顧正法流及後世至于亾國其作書也以領理百事愚者以不怠智者以記事及其衰也爲姦僞以解有罪而殺不辜其作囿也以成宗廟之具簡士卒以戒不虞及其衰也馳騁弋獵以奪民時以罷民力其上賢

文子續義卷十二

三

也以平教化正獄訟賢者在位能者在職澤施于下萬民懷德至其衰也朋黨比周各推其所與廢公趣私外內相舉姦人在位賢者隱處天地之道極則反益則損故聖人治弊而改制事終而更爲其美在和其失在權聖人之道曰非修禮義廉恥不立民無廉恥不可以治不知禮義法不能正非崇善廢醜不嚮禮義無法不可以爲治不知禮義不可以行法法能殺不孝者不能使人孝能刑盜者不能使人廉聖王在上明好惡以示人經非譽以導之親賢而進之賤不肖而退之刑錯而不

用禮義修而任賢德也故天下之高以爲三公一州之高以爲九卿一國之高以爲二十七大夫一鄉之高以爲八十一元士智過萬人者謂之英千人者謂之雋百人者謂之傑十人者謂之豪明于天地之道通于人情之理大足以容眾惠足以懷遠智足以知權人英也德足以教化行足以隱義信足以得眾明足以照下人雋也行可以爲儀表智足以決嫌疑信可以守約廉可以使分財作事可法出言可道人傑也守職不廢處義不比見難不苟免見利不苟得人豪也英雋豪傑各以大

文子續義卷十二

四

小之材處其位由本流末以重制輕上唱下和四海之內一心同歸背貪鄙嚮仁義其于化民若風之靡草今使不肖臨賢雖嚴刑不能禁其姦小不能制大弱不能使強天地之性也故聖人舉賢以立功不肖之主舉其所與同觀其所舉治亂分矣察其黨與賢不肖可論也老子曰爲禮者雕琢人性矯拂其情目雖欲之禁以度心雖樂之節以禮趣翔周旋屈節卑拜肉凝而不食酒澂而不飲外束其形內愁音囚其德鉗陰陽之和而迫性

命之情故終身爲哀人何則不本其所以欲而禁其所

欲不原其所以樂而防其所樂是猶圈獸而不塞其垣
禁其野心決江河之流而壅之以手故曰開其兌濟其
事終身不救夫禮者遏情閉欲以義自防雖情心啞噎
形性飢渴以不得已自強故莫能終其天年禮者非能
使人不欲也而能止之樂者非能使人勿樂也而能防
之夫使天下畏刑而不敢盜竊豈若使無有盜心哉故
知其無所用雖貪者皆辭之不知其所用廉者不能讓
之夫人之所以亾社稷身死人手爲天下笑者未嘗非
欲也如冬日之扇夏日之裘無用于已萬物變爲塵埃

文子續義卷十二

五

矣故揚湯止沸沸乃益甚知其本者去火而已無難哉
老子曰循性而行謂之道得其天性謂之德性失然後
貴仁義仁義立而道德廢純樸散而禮樂節是非形而
百姓眩珠玉貴而天下爭夫禮者所以別尊卑貴賤也
義者所以和君臣父子兄弟夫婦人道之際也末世之
禮恭敬而交爲義者布施而得君臣以相非骨肉以生
怨也故水積則生相食之蟲土積則生自肉之獸禮樂
節則生詐僞末世之爲治不積于養生之具澆天下之
醇散天下之樸滑亂萬民以清爲濁性命飛揚皆亂以

營貞信漫爛人失其性法與義相背行與利相反貧富之相傾人君之與僕虜不足以論夫有餘則讓不足則爭讓則禮義生爭則暴亂起故多欲則事不省求贍則爭不止故世治則小人守正而利不能誘也世亂則君子爲姦而法不能禁也

老子曰衰世之主鑽山石挈金玉摘礪蜃消銅鐵而萬物不滋剗胎焚郊覆巢毀卵鳳凰不翔麒麟不遊構木爲臺焚木而畋竭澤而漁積壤而丘處掘地而井飲澹川而爲池築城而爲固拘獸以爲畜則陰陽繆戾四時

文子續義卷十二

六

失序雷霆毀折霜爲害萬物焦天處于太半草木夏枯三川絕而不流分山川谿谷使有壤界計人眾寡使有分數設機械險阻以爲備制服色等異貴賤差賢不肖行賞罰則兵革起而忿爭生虐殺不辜誅罰無罪于是興矣

老子曰世之將喪性命猶陰氣之所起也主闇昧而不明道廢而不行德滅而不揚舉事戾于天發號逆四時春秋縮其和天地除其德人君處位而不安大夫隱遁而不言羣臣推上意而壞常疏骨肉而自容邪人諂而

陰謀遽載驕主而象其亂人以成其事是故君臣乖而不親骨肉疏而不附田無立苗路無緩步金積折廉壁襲無贏殼龜無腹著筮日施天下不合而爲一家諸侯制法各異習俗悖拔其根而棄其本鑿五刑爲刻削爭于錐刀之末斬刈百姓盡其大半舉兵爲難攻城濫殺覆高危安大衝車高重壘除戰隊使陣死路犯嚴敵百往一反名聲苟盛兼國有地伏尸數十萬老弱飢寒而死者不可勝計自此之後天下未嘗得安其性命樂其習俗也賢聖勃然而起持以道德輔以仁義近者進其

文子續義卷十二

七

智遠者懷其德天下混而爲一子孫相代輔佐黜讒佞之端息末辯之說除刻削之法去煩苛之事屏流言之迹寒朋黨之門消智能循大常墮枝體黜聰明大通混冥萬物各復歸其根夫聖人非能生時時至而不失也是以不得中絕

老子曰艷水之深十仞而不受塵垢金石在中形見于外非不深且清也魚鼈蛟龍莫之歸也石上不生五穀秃山不遊麋鹿無所蔭蔽也故爲政以苛爲察以切爲明以刻下爲忠以計多爲功如此者譬猶廣革者也

